

1389

Na osnovu čl. 16. i 61. stav (2) Zakona o upravi ("Službeni glasnik BiH", br. 32/02, 102/09 i 72/17), čl. 14. i 103. stav (5) Zakona o zrakoplovstvu Bosne i Hercegovine ("Službeni glasnik BiH", br. 39/09 i 25/18) i Odluke o uspostavljanju Programa sigurnosti civilnog zrakoplovstva Bosne i Hercegovine ("Službeni glasnik BiH", broj 32/24), a u vezi sa tačkom 6.2. Programa sigurnosti civilnog zrakoplovstva Bosne i Hercegovine, generalni direktor Direkcije za civilno zrakoplovstvo Bosne i Hercegovine donosi

**ODLUKU
O USPOSTAVLJANJU MODELA PROGRAMA
SIGURNOSTI ZRAČNOG PRIJEVOZNIKA****Član 1.**

(Predmet)

- (1) Ovom odlukom uspostavlja se model za izradu Programa sigurnosti zračnog prijevoznika s ciljem njegove uskladenosti sa Programom sigurnosti civilnog zrakoplovstva Bosne i Hercegovine ("Službeni glasnik BiH", broj 32/24), Zakonom o zrakoplovstvu Bosne i Hercegovine ("Službeni glasnik BiH", br. 39/09 i 25/18) i podzakonskim aktima donesenim na osnovu tog zakona.
- (2) Model Programa sigurnosti zračnog prijevoznika nalazi se u Prilogu ove odluke i čini njen sastavni dio.
- (3) Prilog iz stava (2) ovog člana sadrži Aneks III-4-A ECAC Doc 30 koji je povjerljive prirode i ne objavljuje se u "Službenom glasniku BiH".

Član 2.

(Upotreba roda)

Riječi koje su radi preglednosti u ovoj odluci navedene u jednom rodu bez diskriminacije odnose se i na muški i na ženski rod.

Član 3.

(Program sigurnosti zračnog prijevoznika)

- (1) Programom sigurnosti zračnog prijevoznika opisuju se metode i postupci koje zračni prijevoznik primjenjuje u

- skladu sa propisima iz člana 1. stav (1) ove odluke s ciljem zaštite od akata nezakonitog ometanja.
- (2) Program sigurnosti zračnog prijevoznika sastoji se od opšteg dijela i priloga koji čine jedinstven dokument i takvi se primjenjuju i tumače.
- (3) Prilozima Programa sigurnosti aerodroma utvrđuju se detaljne mjere za primjenu Priloga ove odluke.

Član 4.

(Sadržaja modela Programa sigurnosti zračnog prijevoznika)

- (1) Model Programa sigurnosti zračnog prijevoznika iz Priloga ove odluke sadrži elemente potrebne za izradu Programa sigurnosti zračnog prijevoznika.
- (2) Zračni prijevoznik koristi Model iz stava (1) ovog člana za izradu vlastitog Programa sigurnosti zračnog prijevoznika.
- (3) U Programu sigurnosti zračnog prijevoznika mogu biti izostavljeni dijelovi iz Priloga ove odluke za koje zračni prijevoznik dostavi adekvatno obrazloženje i/ili dokaze da isti nisu primjenjivi iz objektivnih i/ili operativnih razloga.
- (4) Za izradu Programa sigurnosti zračnog prijevoznika, zračni prijevoznik može koristiti smjernice iz dokumenata ECAC Doc 30 i ICAO Doc 8973.

Član 5.

(Postupak i način dostavljanja)

U skladu s odredbama Zakona o zaštiti tajnih podataka ("Službeni glasnik BiH", br. 54/05 i 12/9) i podzakonskim aktima donesenim na osnovu tog zakona, Direkcija za civilno zrakoplovstvo Bosne i Hercegovine, na zahtjev zračnog prijevoznika ili nadležnih organa i tijela Bosne i Hercegovine, dostavlja Prilog iz člana 1. stav (2) ove odluke.

Član 6.

(Određivanje stepena tajnosti)

- (1) Zračni prijevoznik, u skladu s odredbama Zakona o zaštiti tajnih podataka ("Službeni glasnik BiH", br. 54/05 i 12/9), dužan je zaštiti sadržaj Programa sigurnosti zračnog prijevoznika od neovlaštenog pristupa i korištenja.
- (2) Program sigurnosti zračnog prijevoznika, čija priroda i sadržaj teksta to zahtijeva, klasificira se oznakom "Internal-Restricted".
- (3) Prilozi Programa sigurnosti zračnog prijevoznika, čija priroda i sadržaj teksta to zahtijevaju, klasificiraju se oznakom "Povjerljivo-Confidential".

Član 7.

(Stavljanje propisa van snage)

Stupanjem na snagu ove odluke, prestaje da važi Odluka, broj 01-29-8-327-2/08 od 31.1.2008. godine.

Član 8.

(Stupanje na snagu i primjena)

- (1) Ova odluka stupa na snagu osmog dana od dana objavljivanja u "Službenom glasniku BiH".
- (2) Zračni prijevoznik dužan je u roku od 60 dana od dana stupanja na snagu ove odluke ispuniti zahtjeve utvrđene ovom odlukom i uskladiti Program sigurnosti zračnog prijevoznika sa Prilogom ove odluke.

Broj 1-3-02-2-916-6/24

26. decembra 2024. godine

Banja Luka

Generalni direktor

Zorislav Ivanović